

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-562/16
Sarajevo, 31. 3. 2016. godine

Z A P I S N I K
DESETE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 17. i 31. marta 2016. godine

Sjednica je počela u 11 sati i 20 minuta.

Sjednicom je predsjedavao Jasenko Tufekčić, potpredsjedavajući Doma naroda Parlamenta Federacije BiH.

Potpredsjedavajući je pozdravio prisutne i napomenuo da sjednicu ne vodi predsjedavajuća Doma naroda Lidija Bradara, zbog smrtnog slučaja u porodici.

Potpredsjedavajući je konstatovao da sjednici prisustvuje 39 delegata, što čini većinu te Dom može valjano odlučivati.

Potpredsjedavajući je dao na glasanje Zapisnik Devete sjednice Doma naroda Parlamenta Federacije Bosne i Hercegovine, održane 3. marta 2016. godine.

Na osnovu rezultata glasanja, potpredsjedavajući je konstatovao da je Dom naroda Parlamenta Federacije Bosne i Hercegovine, bez primjedbi, sa 36 glasova za, usvojio Zapisnik Devete sjednice Doma naroda Parlamenta Federacije Bosne i Hercegovine, održane 3. marta 2016.

Potpredsjedavajući je podsjetio da je elektronskim putem dostavljena Presuda Ustavnog suda Federacije BiH U-29/15 od 17. 2. 2016. godine. Presuda se odnosi na Zakon o radu.

Ustavni sud Federacije BiH donio je Presudu broj U-29/15 od 17. 2. 2016. godine, kojom je odlučio da se Zakon o radu ima smatrati neusvojenim i ne može proizvoditi pravne posljedice od dana objave ove Presude u „Službenim novinama Federacije BiH“ broj: 20/16 od 16. 3. 2016. godine.

S tim u vezi potpredsjedavajući je obavijestio delegate da Kolegij Doma naroda predlaže Domu naroda Parlamenta FBiH da usvoji sljedeći

ZAKLJUČAK

1. Zadužuje se premijer Federacije BiH da u skladu sa svojim ustavnim obavezama, a u svrhu izvršenja Presude Ustavnog suda Federacije BiH, broj: U-29/15 od 17.02.2016. godine, Domu naroda Parlamenta Federacije BiH dostavi prijedlog zakona o radu u tekstu kako ga je usvojio Predstavnički dom Parlamenta Federacije BiH, na sjednici održanoj 31.7. 2016. godine
2. Ovaj Zaključak objavit će se u „Službenim novinama“ Federacije BiH.

U raspravi je učestvovao Aner Žuljević.

Na osnovu rezultata glasanja, potpredsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova za, devet glasova protiv i dva uzdržana glasa, usvojio pomenuti Zaključak. Delegat Aner Žuljević izrazio je sumnju u glasanje te zatražio pojedinačno izjašnjavaње.

Na osnovu rezultata pojedinačnog glasanja, potpredsjedavajući je konstatovao da je Dom naroda Parlamenta Federacije Bosne i Hercegovine, sa 32 glasa za, 13 glasova protiv i jednim uzdržanim glasom, usvojio pomenuti Zaključak.

Potpredsjedavajući Doma naroda je, na osnovu člana 104. Poslovnika o radu Doma naroda Parlamenta Federacije Bosne i Hercegovine, pozvao delegate da, ukoliko žele, postave delegatska pitanja i pokrenu inicijative.

Delegatska pitanja i inicijative

Mustafa Kurtović i Sanel Mušović pokrenuli su zajedničku inicijativu vezanu za izmjene i dopune Zakona o osnovnom odgoju i obrazovanju u Federaciji BiH. Zanima ih zbog čega je, i kako, uvedeno devetogodišnje obrazovanje te su predložili da se deveta godina briše iz Zakona. Također, predložili su da Ministarstvo obrazovanja sa Vladom Federacije izmijeni i dopuni nastavne planove i programe koji opterećuju djecu.

Almedin Aliefendić pripremio je tri delegatska pitanja Ministarstvu energetike, rudarstva i industrije, koja je u pisanom obliku proslijedio Stručnoj službi.

Željko Mirković izrazio je nezadovoljstvo zbog izostanka odgovora na Inicijativu upućenu Ministarstvu finansija.

Postavio je delegatsko pitanje Ministarstvu prometa i komunikacija, a tiče se Pravilnika o prekomjernoj upotrebi javnih cesta koji je donešen 2010. godine. Zanima ga koliko je, i kome, izdato rješenja o odobrenju za prekomjernu upotrebu cesta u periodu od 2010. do 2015. godine. Zatražio

je tabelarni pregled korisnika i visinu obračunatog i plaćenog iznosa. Također, zanima ga i na koji način su iskorištena prikupljena sredstva po ovom osnovu.

Segmedina Srna Bajramović postavila je jedno delegatsko pitanje. Zanima je ko je naručilac kampanje, odnosno promotivne aktivnosti, „Skinimo okove“, koliko košta navedena kampanja, iz kojih izvora je finansirana i na koji način je odabrana marketinška agencija koja je provodi. Također, zanima je da li je Vlada poslala molbu prema ambasadama pojedinih zemalja da finansiraju ovu kampanju i, ako jeste, zašto o tome nije upoznala Parlament Federacije BiH. Zanima je da li je, i na koji način, uređen odnos Vlade i tih ambasada u vezi sa ovom kampanjom, odnosno kakve obaveze je Vlada preuzela u tom odnosu bez da je informisala Parlament FBiH.

Anes Osmanović postavio je jedno delegatsko pitanje i pokrenuo jednu inicijativu.

Postavio je pitanje Vladi Federacije BiH, Federalnom ministarstvu pravde i Visokom sudskom i tužilačkom vijeću Federacije BiH, a koje glasi: „Zbog čega u općini Odžak nije osnovan Općinski sud?“

Inicijativu je uputio Vladi Federacije BiH, Federalnom ministarstvu pravde i Visokom sudskom i tužilačkom vijeću Federacije BiH, i traži da, u što kraćem roku, razmotre Inicijativu i da u ovoj godini bude uspostavljen Općinski sud u Odžaku.

Rasim Kantarević uputio je pitanje Kolegiju Doma naroda i Komisiji za ustavna pitanja koje glasi: „Kada poslanik u Domu naroda može odlučivati činom dodjele mandata i objave u Službenim novinama Federacije BiH, ili činom potvrde izbora na Kantonu?“

Vesna Saradžić uputila je inicijativu Ministarstvu rada i socijalne politike, a tiče se izmjene i dopune Zakona o profesionalnoj rehabilitaciji, osposobljavanju i zapošljavanju osoba sa invaliditetom. Navela je da je potrebno precizirati rok u kojem su nadležne kantonalne službe za zapošljavanje dužne riješiti po zahtjevu za priznavanje prava na profesionalnu rehabilitaciju i shodno tome dodati novi stav u Zakonu i definirati rok za rješavanje od 15 dana od dana podnošenja zahtjeva.

Damir Jukić izrazio je nezadovoljstvo zbog izostanka odgovora na ranije upućene inicijative i delegatska pitanja i zamolio je Stručnu službu da uputi urgenciju za dostavljanje odgovora.

Mirvet Beganović postavio je jedno delegatsko pitanje: „Šta je konkretno poduzela Vlada Federacije i nadležna ministarstva na realizaciji zaključaka Parlamenta Federacije, Doma naroda sa sjednice održane 2. 6. 2009. godine i Predstavničkog doma sa sjednice održane 3. 6. 2009. godine?“

Također, zatražio je od Vlade Federacije da dostavi informaciju o stanju u Agrokomercu i planovima Vlade o budućnosti ovog privrednog subjekta.

Željko Josić izrazio je nezadovoljstvo zbog izostanka na ranije postavljeno pitanje pa je pitanje ponovo uputio Vladi Federacije BiH, a tiče se poljoprivredne mehanizacije i opreme namijenjene Posavskom kantonu. Pitanje glasi: „Gdje su preostali traktori, poljoprivredna mehanizacija i oprema i zašto već dvije godine od katastrofalnih poplava ta mehanizacija i oprema nisu podijeljeni korisnicima na poplavama pogođenim područjima?“

Đuro Delić podnio je jednu inicijativu na zahtjev predstavnika poljoprivrednih udruga i u ime Odbora za poljoprivredu, vodoprivredu i šumarstvo, a u vezi održavanja tematske sjednice „Analiza poljoprivrede, vodoprivrede i šumarstva u Federaciji Bosne i Hercegovine“. Naveo je da bi novčani poticaji trebali biti usklađeni sa Strategijom ruralnog razvoja 2015.-2019. godine i Zakonom o novčanim podrškama u poljoprivredi ruralnom sektoru, te da bi trebalo unijeti kapitalne novčane podrške bez kojih nema novih radnih mjesta.

Emir Frašto postavio je tri delegatska pitanja.

Prvo pitanje upućeno je Ministarstvu poljoprivrede a odnosi se na poduzimanje koraka na zaštiti bolesti šljive i ono glasi: „Da li se šta poduzima u liječenju protiv ove bolesti?“

Drugo pitanje upućeno je Ministarstvu socijalne skrbi. Zanima ga da li će, i kada, biti otvoreno odjeljenje instituta za zaštitu zdravlja u BPK Goražde.

Također, izrazio je nezadovoljstvo zbog izostanka na ranije postavljena pitanja. Prvo pitanje tiče se zaštite vodotoka Drine od plavnog talasa iz Crne Gore, a drugo, puta prema Sandžaku, i ono glasi: „Šta se radi, da li se prave karte koje će omogućiti BiH bolje povezivanje?“

Zamolio je da, ukoliko nema odgovora, bude provedena javna rasprava o putnoj infrastrukturi.

Aner Žuljević podnio je dvije inicijative. Prva se odnosi na stavljanje van snage okolinske dozvole za izgradnju mini hidroelektrana Buna 1 i Buna 2, izdate od Federalnog ministarstva okoliša i turizma broj: UPI-05/2-23-11-56/15 od 11.11. 2015. godine. Također, zatražio je od Ministarstva da vrši zaštitu i lokaliteta Banskog kanala, jer je isti u skladu sa statusom spomenika prirode po ranijoj Odluci Zavoda UF.I 59/4/70 kao prirodnih predjela.

Drugom inicijativom zatražio je da se u formi inicijative jednom godišnje razmatra informacija Federalnog zavoda za statistiku sa trendovima ključnih ekonomskih indikatora Federacije, kao i indikatore životnog standarda. Također, zatražio je od Stručne službe Doma naroda da mu dostavi transkript 10. sjednice Doma naroda, dokaz da su radna tijela upoznata o Presudi Ustavnog suda i da mu dostave Zaključak koji je izglasan, dokaz usvojenog dnevnog reda koji je delegatima poslao Kolegij Doma naroda,

informaciju po kojoj tački Poslovnika je predložen na današnjoj sjednici, te kada je isti dostavljen delegatima u pisanoj formi.

Budući da nije bilo prijedloga za izmjenu i dopunu predloženog dnevnog reda, potpredsjedavajući je obavijestio prisutne da je Vlada Federacije BiH dostavila Prijedlog zakona o izmjeni i dopuni zakona o izvršnom postupku i Prijedlog o izmjenama Zakona o suzbijanju korupcije i organiziranog kriminala u Federaciji Bosne i Hercegovine sa prijedlogom da se razmatraju po hitnom postupku.

Potpredsjedavajući je obavijestio Dom da je Zakonodavna komisija jednoglasno donijela odluku kojom ne podržava hitnost postupka sa prijedlogom da oba budu vraćena u redovnu proceduru, odnosno da budu razmatrani u formi nacrti.

Na osnovu rezultata glasanja, potpredsjedavajući je konstatovao da Dom naroda Parlamenta Federacije Bosne i Hercegovine, sa dva glasa za, pet uzdržanih i 28 glasova protiv, nije podržao da Prijedlog zakona o izmjeni i dopuni zakona o izvršnom postupku budu razmatran po hitnom postupku.

S obzirom da je Osman Ćatić izrazio sumnju u rezultate glasanja, sekretar Doma naroda Parlamenta FBiH, Izmir Hadžić, izvršio je pojedinačnu prozivku.

Na osnovu rezultata glasanja, potpredsjedavajući je konstatovao da Dom naroda Parlamenta Federacije Bosne i Hercegovine, sa 47 glasova protiv i dva uzdržana glasa, nije prihvatio da Prijedlog zakona o izmjeni i dopuni zakona o izvršnom postupku bude razmatran po hitnom postupku.

Potpredsjedavajući je stavio na glasanje prijedlog da Prijedlog o izmjenama Zakona o suzbijanju korupcije i organiziranog kriminala u Federaciji Bosne i Hercegovine bude razmatran po hitnom postupku.

Na osnovu rezultata glasanja, potpredsjedavajući je konstatovao da Dom naroda Parlamenta Federacije Bosne i Hercegovine, sa 40 glasova protiv, tri uzdržana glasa i jednim glasom za, nije prihvatio da Prijedlog o izmjenama Zakona o suzbijanju korupcije i organiziranog kriminala u Federaciji Bosne i Hercegovine bude razmatran po hitnom postupku.

Potpredsjedavajući je obavijestio prisutne da je Vlada Federacije dostavila na razmatranje Prijedlog zakona o izmjenama i dopunama Zakona o jedinstvenom sistemu registracije, kontrole i naplate doprinosa i Prijedlog zakona o državljanstvu FBiH, te da je Kolegij Doma naroda predložio da na sjednici budu razmatrana i ova dva prijedloga.

Na osnovu rezultata glasanja, potpredsjedavajući je konstatovao da je Dom naroda Parlamenta Federacije Bosne i Hercegovine, sa 38 glasova

za, tri uzdržana glasa i dva glasa protiv, prihvatio da Prijedlog zakona o izmjenama i dopunama Zakona o jedinstvenom sistemu registracije, kontrole i naplate doprinosa i Prijedlog zakona o državljanstvu FBiH budu uvršteni na dnevni red i razmotreni kao tačke 3. i 4.

Nakon pauze koju je zatražio Klub delegata hrvatskog naroda, potpredsjedavajući je prekinuo sjednicu i obavijestio prisutne da će o terminu nastavka biti naknadno obaviješteni.

Sjednica je završena u 12 sati i 30 minuta.

NASTAVAK 10. SJEDNICE DOMA NARODA PARLAMENTA FEDERACIJE BIH ODRŽANE 31. 3. 2016. GODINE

Sjednica je počela u 11 sati i 45 minuta.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne.

Izostanak sa sjednice opravdali su Admir Hadžipašić i Amor Mašović.

Na osnovu evidencije Stručne službe, predsjedavajuća je konstatovala da sjednici prisustvuju 42 delegata, što čini većinu, te Dom naroda može raditi i punovažno odlučivati.

Prije početka sjednice predsjedavajuća Doma naroda je u svoje, i u ime svoje porodice, zahvalila svima koji su izrazili saučešće u povodu smrti njenog oca.

Predsjedavajuća je podsjetila da je Dom naroda prilikom utvrđivanja dnevnog reda odlučio da Prijedlog zakona o izmjeni Zakona o izvršnom postupku i Prijedlog zakona o izmjenama i dopunama zakona o suzbijanju korupcije i organiziranog kriminala u Federaciji Bosne i Hercegovine, koje je Vlada Federacije BiH dostavila po žurnom postupku, bude razmatrani u formi nacрта.

Također, podsjetila je delegate da je Kolegij, na prijedlog Zakonodavnopravne komisije, predložio da se kao tačka 1. dnevnog reda razmatra Presuda Ustavnog suda Federacije Bosne i Hercegovine broj U-

29/15 od 17. februara 2016. godine, kao i Odluka o ispravci Presude Ustavnog suda Federacije Bosne i Hercegovine broj U-29/15 od 25. marta 2016. godine te Zaključak Doma naroda sa sjednice od 17. marta 2016. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 45 glasova za, usvojio prijedlog da se kao tačka 1. razmatra Presuda Ustavnog suda Federacije Bosne i Hercegovine broj U-29/15 od 17. februara 2016. godine kao i Odluka o ispravci Presude Ustavnog suda Federacije Bosne i Hercegovine te Zaključak Doma naroda sa sjednice održane 17. marta 2016. godine.

Predsjedavajuća je obavijestila prisutne da Kolegij Doma naroda predlaže da tačka 13., Izbor i imenovanje, bude razmatrana na 11. sjednici.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 41 glasom za, dva uzdržana i četiri glasa protiv, usvojio prijedlog i skinuo tačku 13. sa dnevnog reda 10. sjednice.

Predsjedavajuća je stavila na glasanje sljedeći

DNEVNI RED

1. Presuda Ustavnog suda Federacije Bosne i Hercegovine, broj: U-29/15 od 17. 2. 2016. godine, Odluka o Ispravci Presude Ustavnog suda Federacije Bosne i Hercegovine, broj: U-29/15 od 25. 3. 2016. godine i Zaključak koji je Dom naroda Parlamenta Federacije Bosne i Hercegovine donio na sjednici 17. 3. 2016. godine,
2. Prijedlog zakona o izmjenama i dopunama Zakona o jedinstvenom sistemu registracije, kontrole i naplate doprinosa,
3. Prijedlog zakona o državljanstvu Federacije Bosne i Hercegovine,
4. Nacrt zakona o izmjeni Zakona o izvršnom postupku,
5. Nacrt zakona o izmjenama Zakona o suzbijanju korupcije i organiziranog kriminala u Federaciji Bosne i Hercegovine,
6. Nacrt zakona o izmjenama i dopunama Zakona o istraživanju i eksploataciji nafte i plina u Federaciji Bosne i Hercegovine,

7. Nacrt zakona o dobrovoljnim penzijskim fondovima,
8. Prijedlog odluke o davanju saglasnosti na Odluku o izmjenama i dopunama Statuta Agencije za kvalitet i akreditaciju u zdravstvu u Federaciji Bosne i Hercegovine,
9. Prijedlog odluke o odobravanju Odluke o davanju saglasnosti na izmjenu Ugovora o sindiciranom dugoročnom kreditu s valutnom klauzulom, broj: 19000555-DK-1/10 od 1.11.2010. godine,
10. Izvještaj o finansijskom poslovanju Zavoda za transfuzijsku medicinu FBiH za period 01.01. do 31.12.2014. godine,
 - Odluka Upravnog Odbora o usvajanju Finansijskog izvještaja Zavoda za transfuzijsku medicinu FBiH za period 1. 1. - 31.12. 2014. godine,
 - Izvještaj o radu Upravnog odbora Zavoda za transfuzijsku medicinu Federacije Bosne i Hercegovine za 2014. godinu,
 - Odluka Upravnog Odbora o usvajanju Izvještaja o radu Upravnog odbora Zavoda za transfuzijsku medicinu FBiH za 2014. godinu,
 - Izvještaj o radu Zavoda za transfuzijsku medicinu FBiH za 2014. godinu,
 - Odluka Upravnog Odbora o usvajanju Izvještaja o radu Zavoda za transfuzijsku medicinu FBiH za 2014. godinu,
11. Izvještaj o poslovanju Javnog preduzeća "Željeznice Federacije Bosne i Hercegovine", d.o.o. za 2014. godinu,
 - Finansijski izvještaj
 - Izvještaj revizora
 - Izvještaj o radu Nadzornog odbora
 - Izvještaj o radu Odbora za reviziju,
12. Izvještaj o radu Komisije za vrijednosne papire Federacije Bosne i Hercegovine za 2014. godinu,
 - Finansijski plan Komisije za vrijednosne papire Federacije Bosne i Hercegovine sa Programom rada Komisije za vrijednosne papire Federacije Bosne i Hercegovine za 2015. godinu,
13. Informacija o izvršenim aktivnostima na realizaciji projekta istraživanja i eksploatacije nafte i plina u Federaciji Bosne i Hercegovine,

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, sa 42 glasa za i jednim glasom protiv, usvojio predloženi Dnevni red.

1. Presuda Ustavnog suda Federacije Bosne i Hercegovine broj U-29/15 od 17. februara 2015. godine, Odluka o ispravci Presude Ustavnog suda Federacije Bosne i Hercegovine od 25. marta 2016. godine i Zaključak koji je Dom naroda Parlamenta Federacije Bosne i Hercegovine donio na sjednici 17. marta 2016. godine

Predsjedavajuća je podsjetila delegate da je Ustavni sud Federacije Bosne i Hercegovine donio Presudu od 17. februara 2015. godine, kojom je utvrdio da je Četvrta vanredna sjednica Doma naroda od 30. jula 2015. godine, u dijelu odlučivanja po tački 2. Dnevnog reda, Prijedlog zakona o radu, održana u suprotnosti sa Poslovníkom o radu Doma naroda, a time i Ustavom Federacije Bosne i Hercegovine, čime su povrijeđena ustavna prava grupe delegata Doma naroda. U skladu sa ovim, Zakon o radu („Službene novine Federacije Bosne i Hercegovine“, broj 62/15) vraća se u fazu predlaganja u Dom naroda s tim da se moraju ispoštovati odluke o postupku donošenja Zakona propisane Poslovníkom o radu Doma naroda.

U raspravi su učestvovali Jasenko Tufekčić i Slaviša Šućur.

Predsjedavajuća Doma naroda stavila je na glasanje sljedeći:

Z A K L J U Č A K

1. Dom naroda Parlamenta Federacije primio je na znanje Presudu Ustavnog suda Federacije Bosne i Hercegovine broj U-29/15 od 17. februara 2015. godine i Odluku o Ispravci Presude Ustavnog suda Federacije Bosne i Hercegovine od 25. marta 2016. godine.
2. Dom naroda Parlamenta Federacije Bosne i Hercegovine će u okviru svojih ustavnih nadležnosti i Zaključka Doma naroda Parlamenta Federacije Bosne i Hercegovine kojeg je donio na sjednici 17. marta 2016. godine, poduzeti mjere i radnje na provedbi Presude Ustavnog suda Federacije BiH.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 49 glasova za, usvojio pomenuti Zaključak.

2. Prijedlog zakona o izmjenama i dopunama Zakona o jedinstvenom sistemu kontrole naplate i doprinosa

Prijedlog zakona utvrdila je Vlada Federacije.

Predsjedavajuća je podsjetila delegate da je Predstavnički dom Parlamenta FBiH obavijestio Dom naroda da je na 8. sjednici, održanoj 23. februara 2016. godine, usvojio Prijedlog zakona o izmjenama i dopunama Zakona o

jedinstvenom sistemu registracije kontole i naplate doprinosa sa sljedećim sugestijama pravno-tehničke prirode koje je dala Zakonodavno-pravna komisija, a koje je predstavnik predlagača prihvatio, a to su: da se u nazivu Prijedloga zakona naznači da se radi samo o izmjenama Zakona, da se u članu 4. Prijedloga zakona u prvom redu riječi "osmog" zamijeni riječju "narednog" i da se radi o Prijedlogu zakona koji se predlaže i razmatra po hitnoj proceduri.

Prijedlog zakona razmatrala su nadležna radna tijela koja su dostavila svoje izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za i tri uzdržana glasa, usvojio Prijedlog zakona o izmjenama i dopunama Zakona o jedinstvenom sistemu kontrole naplate i doprinosa.

3. Prijedlog zakona o državljanstvu

Prijedlog zakona utvrdila je Vlada FBiH.

Predsjedavajuća je podsjetila da je Predstavnički dom Parlamenta Federacije BiH obavijestio Dom naroda da je na 3. sjednici održanoj 27. oktobra 2015. godine, usvojio Prijedlog zakona o državljanstvu u tekstu kako ga je predložila Vlada Federacije. Tom prilikom usvojena je inicijativa.

Prijedlog zakona razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za, dva protiv i dva uzdržana glasa, usvojio Prijedlog zakona o državljanstvu.

4. Nacrt zakona o izmjeni Zakona o izvršnom postupku

Nacrt zakona utvrdila je Vlada FBiH.

Predsjedavajuća je podsjetila delegate da je Predstavnički dom Parlamenta Federacije BiH obavijestio Dom naroda da je na 7. sjednici održanoj 3. februara 2016. godine, usvojio Prijedlog zakona o izmjeni

zakona o izvršnom postupku u tekstu kako ga je predložila Vlada Federacije.

Prijedlog su razmatrala nadležna radna tijela i dostavila svoje izvještaje.

U raspravi su učestvovali: Almedin Aliefendić, Tomislav Martinović, Rasim Dostović, Mirvet Beganović, Aner Žuljević, Muhamed Kozadra i Željko Mirković.

Predsjedavajuća je stavila na glasanje sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o izmjeni Zakona o izvršnom postupku i smatra da može poslužiti kao osnova za izradu Prijedloga Zakona.
2. Zadužuje se Vlada Federacije da provede javnu raspravu u skladu sa ustavnim nadležnostima što uključuje i mišljenja kantona i općina u roku od 90 dana.
3. Zadužuje se Vlada Federacije da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda kao i u javnoj raspravi.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, jednim glasom protiv i jednim uzdržanim glasom, usvojio pomenuti Zaključak.

5. Nacrt Zakona o izmjenama Zakona o suzbijanju korupcije i organiziranog kriminala u Federaciji Bosne i Hercegovine

Nacrt zakona utvrdila je Vlada FBiH.

Predsjedavajuća je podsjetila da je Predstavnički dom Parlamenta Federacije BiH obavijestio Dom naroda da je na 8. sjednici održanoj 23. februara 2016. godine, usvojio Prijedlog zakona o suzbijanju korupcije i organiziranog kriminala u Federaciji Bosne i Hercegovine u tekstu kako ga je predložila Vlada Federacije.

Prijedlog su razmatrala nadležna radna tijela i dostavila svoje izvještaje.

U raspravi su učestvovali: Aner Žuljević, Mirvet Beganović, Predrag Kojović, Lejla Didik Sarajlić, Ivo Tadić, Tomislav Martinović, Željko Mirković, Osman Ćatić, Muhamed Kozadra, Slaviša Šućur i Lidija Bradara.

Predsjedavajuća je stavila na glasanje sljedeći

ZAKLJUČAK

1. Dom naroda Parlamenta Federacije BiH prihvaća Nacrt zakona o izmjenama Zakona o suzbijanju korupcije i organiziranog kriminala u Federaciji BiH i smatra da može poslužiti kao osnova za izradu prijedloga zakona.
2. Zadužuje se Vlada Federacije BiH da prilikom izrade prijedloga zakona ima u vidu primjedbe, prijedloge i sugestije iznesene na sjednici Doma.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, sa 30 glasova za, 10 glasova protiv i tri uzdržana glasa, usvojio usvojio pomenuti Zaključak.

6. Nacrt Zakona o izmjenama i dopunama Zakona o istraživanju i eksploataciji nafte i plina u Federaciji BiH

Nacrt zakona utvrdila je Vlada FBiH.

Predsjedavajuća je podsjetila da je Predstavnički dom Parlamenta Federacije BiH obavijestio Dom naroda da je na 7. sjednici održanoj 3. februara 2016. godine, razmatrao Nacrt zakona o izmjenama i dopunama Zakona o istraživanju i eksploataciji nafte i plina u Federaciji BiH i zaključkom ga prihvatio.

Nacrt zakona razmatrala su nadležna radna tijela i dostavila svoje izvještaje.

U raspravi nije niko učestvovao.

Predsjedavajuća je stavila na glasanje sljedeći

ZAKLJUČAK

1. Dom naroda Parlamenta Federacije BiH prihvaća Nacrt Zakona o izmjenama i dopunama Zakona o istraživanju i

eksploataciji nafte i plina u Federaciji BiH i smatra da može poslužiti kao osnova za izradu prijedloga zakona.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, sa 37 glasova za i jednim uzdržanim glasom, usvojio pomenuti Zaključak.

7. Nacrt Zakona o dobrovoljnim penzijskim fondovima

Nacrt zakona utvrdila je Vlada FBiH.

Predsjedavajuća je podsjetila delegate da je Predstavnički dom Parlamenta Federacije BiH obavijestio Dom naroda da je na 8. sjednici održanoj 23. februara 2016. godine, razmatrao i prihvatio Nacrt Zakona o dobrovoljnim penzijskim fondovima i zaključkom ga prihvatio. Tom prilikom Nacrt zakona stavljen je na javnu raspravu u trajanju od 90 dana.

Nacrt zakona razmatrala su nadležna radna tijela i dostavila svoje izvještaje.

U raspravi su učestvovali Aner Žuljević i Jasenko Tufekčić.

Predsjedavajuća je stavila na glasanje sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o izmjeni Zakona o dobrovoljnim penzijskim fondovima i smatra da može poslužiti kao osnova za izradu prijedloga zakona.
2. Zadužuje se Vlada Federacije da organizuje i provede javnu raspravu u trajanju od 90 dana.
3. Zadužuje se Vlada Federacije da prilikom izrade prijedloga zakona ima u vidu primjedbe, prijedloge i sugestije iznesene na sjednici Doma naroda kao i u javnoj raspravi.

8. Prijedlog Odluke o davanju saglasnosti na Odluku o izmjenama i dopunama Statuta Agencije za kvalitetu I akreditaciju u zdravstvu u Federaciji Bosne I Hercegovine

Prijedlog odluke je dostavila Vlada FBiH radi razmatranja i donošenja.

Predsjedavajuća je podsjetila da je Predstavnički dom Parlamenta Federacije BiH obavijestio Dom naroda da je na 7. sjednici održanoj 3. februara 2016. godine, donio Odluku o davanju saglasnosti na Odluku o izmjenama i dopunama Statuta Agencije za kvalitetu i akreditaciju u zdravstvu u Federaciji Bosne i Hercegovine.

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

Predsjedavajuća je stavila na glasanje Prijedlog odluke o davanju saglasnosti na Odluku o izmjenama i dopunama Statuta Agencije za kvalitetu i akreditaciju u zdravstvu u Federaciji Bosne i Hercegovine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, jednim glasom protiv i jednim uzdržanim glasom, donio Odluku o davanju saglasnosti na Odluku o izmjenama i dopunama Statuta Agencije za kvalitetu i akreditaciju u zdravstvu u Federaciji Bosne i Hercegovine.

9. Prijedlog odluke o odobravanju Odluke o davanju saglasnosti na izmjenju Ugovora o sindiciranom dugoročnom kreditu sa valutnom klauzulom broj 19000555-DK-1/10 od 1. 11. 2010. godine

Vlada Federacije dostavila je Prijedlog odluke radi razmatranja i donošenja.

Predsjedavajuća je podsjetila da je Predstavnički dom Parlamenta Federacije BiH obavijestio Dom naroda da je na 8. sjednici održanoj 23. februara 2016. godine, donio Odluku o davanju saglasnosti na Odluku o odobravanju Odluke o davanju saglasnosti na izmjenju Ugovora o sindiciranom dugoročnom kreditu sa valutnom klauzulom broj 19000555-DK-1/10 od 1. 11. 2010. godine.

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

Predsjedavajuća je stavila na glasanje Prijedlog odluke o odobravanju Odluke o davanju saglasnosti na izmjenju Ugovora o sindiciranom dugoročnom kreditu sa valutnom klauzulom broj 19000555-DK-1/10 od 1. 11. 2010. godine.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, sa 31 glasom za i pet uzdržanih glasova, donio Odluku o odobravanju Odluke o davanju saglasnosti na izmjenu Ugovora o sindiciranom dugoročnom kreditu sa valutnom klauzulom broj 19000555-DK-1/10 od 1. 11. 2010. godine.

10. Izvještaj o finansijskom poslovanju Zavoda za transfuzijsku medicinu FBiH, za period 1.1. 2014. - 31.12. 2014. godine, Odluka Upravnog odbora o usvajanju Izvještaja o finansijskom poslovanju Zavoda za transfuzijsku medicinu FBiH za period 1.1. 2014. - 31. 12. 2014. godine, Izvještaj o radu Upravnog odbora Zavoda za transfuzijsku medicinu FBiH za 2014. godinu, Odluka Upravnog odbora o usvajanju Izvještaja o radu Upravnog odbora Zavoda za transfuzijsku medicinu za 2014. godinu, Izvještaj o radu Zavoda za transfuzijsku medicinu FBiH za 2014. godinu, Odluka Upravnog odbora o usvajanju Izvještaja o radu Zavoda za transfuzijsku medicinu za 2014. godinu

Vlada Federacije dostavila je ove materijale Parlamentu Federacije radi razmatranja i usvajanja.

Predsjedavajuća je podsjetila da je Predstavnički dom Parlamenta Federacije BiH obavijestio Dom naroda da je na 5. sjednici održanoj 2. decembra 2014. godine, prihvatio Izvještaj o poslovanju Zavoda za transfuzijsku medicinu za 2014. godinu sa priloženim dokumentima.

Izvještaje su razmatrala nadležna radna tijela i dostavila svoje izvještaje.

S obzirom da predstavnik predlagača nije bio prisutan, predsjedavajuća Doma naroda je 10. tačku skinula sa Dnevnog reda ove sjednice.

11. Izvještaj o poslovanju javnog preduzeća Željeznice Federacije BiH d.o.o. za 2014. godinu, Finansijski izvještaj, Izvještaj revizora, Izvještaj o radu Nadzornog odbora, Izvještaj o radu Odbora za reviziju

Iz JP Željeznice Federacije dostavljen je Izvještaj o poslovanju za 2014. godinu, Finansijski izvještaj, Izvještaj revizora, Izvještaj o radu Nadzornog odbora i Izvještaj o radu Odbora za reviziju radi razmatranja i usvajanja.

Predsjedavajuća je podsjetila delegate da je Predstavnički dom Parlamenta Federacije BiH obavijestio Dom naroda da na 7. sjednici

održanoj 3. februara 2016. godine, nije prihvatio Godišnji izvještaj o poslovanju JP Željeznice Federacije jer prilikom glasanja nije dobio potrebnu većinu glasova zastupnika.

Izvještaje su razmatrala nadležna radna tijela i dostavila svoje izvještaje.

U raspravi su učestvovali: Tomislav Martinović, Željko Mirković, Mustafa Kurtović i Osman Ćatić. Predsjedavajuća je stavila na glasanje Izvještaj o poslovanju JP Željeznice Federacije BiH d.o.o. za 2014. godinu, Finansijski izvještaj, Izvještaj revizora, Izvještaj o radu Nadzornog odbora, Izvještaj o radu Odbora za reviziju.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, sa pet glasova za, 17 uzdržanih i 11 protiv, nije usvojio pomenuti Izvještaj.

Predsjedavajuća je, zatim, stavila na glasanje sljedeći

ZAKLJUČAK

Obavezuje se Vlada Federacije BiH da organizira tematsku sjednicu po pitanju problematike i stanja u željeznicama Federacije BiH sa prijedlogom mjera.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine sa 31 glasom za, dva uzdržana glasa i jednim glasom protiv, usvojio pomenuti Zaključak.

12. Izvještaj o radu Komisije za vrijednosne papire Federacije BiH za 2014. godinu, Finansijski plan Komisije za vrijednosne papire Federacije BiH sa Programom rada Komisije za vrijednosne papire za 2015. godinu.

Komisija za vrijednosne papire dostavila je Parlamentu Federacije Izvještaj o radu za 2014. godinu radi razmatranja i prihvatanja, Finansijski plan sa programom rada za 2015. godinu radi potvrđivanja.

Predsjedavajuća je podsjetila delegate da je Predstavnički dom Parlamenta Federacije BiH obavijestio Dom naroda da na 7. sjednici održanoj 3. februara 2016. godine, nije prihvatio Izvještaj o radu Komisije za vrijednosne papire Federacije BiH, niti je donio odluku o davanju saglasnosti na Finansijski plan sa Programom rada Komisije za vrijednosne

papire Federacije BiH za 2015. godinu jer prilikom glasanja nisu dobili potrebnu većinu glasova zastupnika.

Izveštaj i plan razmatrala su nadležna radna tijela i dostavila svoje izvještaje.

Predsjedavajuća je stavila na glasanje sljedeći

ZAKLJUČAK

1. Dom naroda Parlamenta Federacije BiH prihvaća Izveštaj o radu Komisije za vrijednosne papire Federacije Bosne i Hercegovine za 2014. godinu.

Na osnovu rezultata glasanja predsjedavajuća je konstatovala da Dom naroda Parlamenta FBiH sa tri glasa za, 16 uzdržanih glasova i 13 glasova protiv, nije usvojio navedeni Zaključak.

2. Dom naroda Parlamenta Federacije BiH potvrđuje Finansijski plan Komisije za vrijednosne papire Federacije BiH sa Programom rada Komisije za vrijednosne papire Federacije BiH za 2015. godinu.

Na osnovu rezultata glasanja predsjedavajuća je konstatovala da Dom naroda Parlamenta FBiH sa jednim glasom za, 16 uzdržanih glasova i 16 glasova protiv, nije usvojio navedeni Zaključak.

13. Informacija o izvršenim aktivnostima na realizaciji projekta istraživanja i eksploatacije nafte i plina u Federaciji BiH

Vlada Federacije dostavila je Informaciju o izvršenim aktivnostima radi razmatranja i usvajanja. Vlada je također dostavila i Prijedlog zaključka radi razmatranja i donošenja. Predsjedavajuća je podsjetila da je Predstavnički dom Parlamenta Federacije BiH obavijestio Dom naroda da je na 7. sjednici održanoj 3. februara 2016. godine, razmatrao Informaciju o izvršenim aktivnostima na realizaciji projekta istraživanja i eksploatacije nafte i plina u Federaciji BiH i tom prilikom usvojio Zaključak.

Informaciju su razmatrala nadležna radna tijela i dostavila svoje izvještaje.

U raspravi je učestvovao Aner Žuljević.

Predsjedavajuća je stavila na glasanje sljedeći

ZAKLJUČAK

- Usvaja se Informacija Vlade Federacije BiH o izvršenim aktivnostima na realizaciji projekta istraživanja eksploatacije nafte i plina u Federaciji BiH.
- Ujedno se zadužuje Vlada Federacije BiH da nastavi sa aktivnostima na realizaciji projekta istraživanja eksploatacije nafte i plina u Federaciji BiH.
- Imajući u vidu kompleksnost projekta istraživanja eksploatacije nafte i plina u Federaciji BiH za čiju realizaciju je potrebno znanje iz više stručnih oblasti predlaže se Vladi Federacije BiH da utvrdi savjetodavno tijelo za Federaciju BiH u čijem bi sastavu bile eminentno stručne osobe iz akademija, fakulteta, instituta, gospodarstva i drugih institucija specijaliziranih iz oblasti geologije, rudarstva, ekonomije, prava, okoliša, energetike i drugih koji bi bili uključeni u realizaciju projekta.
- Ovaj zaključak stupa na snagu danom donošenja i bit će objavljen u "Službenim novinama Federacije BiH".

Na osnovu rezultata glasanja predsjedavajuća je konstatovala da je Dom naroda Parlamenta Federacije BiH sa 34 glasa za i jednim uzdržanim glasom, usvojio pomenuti Zaključak.

Sjednica je završena u 14 sati i 35 minuta.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALA

Lidija Bradara